

VIJESTI

Izetbegović
posjetio Janju

Bakir Izetbegović, potpredsjednik SDABiH i predsjednik Kluba poslanika SDA u Parlamentarnoj skupštini BiH, u petak je posjetio Janju, gdje je održao sastanak sa predstavnicima lokalnog ogranka SDA. Pored Izetbegovića, u delegaciji koja je posjetila Janju bili su: Senija Bubić, predsjednica GO SDABiH, Ramiz Salkić, poslanik SDA u NSRS-u, Edin Ramić, predsjednik Kluba Bošnjaka u Vijeću naroda RS-a i Dževad Mahmutović, predsjednik RO SDA srednje Podrinje.

Samir Bačević, predsjednik SDA Janja na sastanku je upoznao goste o stanjima ljudskih prava u opštini Bijeljina, stanju povratnika, održivosti povratka, problemima Bošnjaka, te o projektima vezanim opstanak Bošnjaka u ovom dijelu BiH. **S. K.**

Tehnički ispravna
vozila

Ministar vanjske trgovine i ekonomskih odnosa BiH Mladen Zirojević potvrdio je da će biti izmijenjena odluka o zabrani uvoza u BiH automobila starijih od sedam godina, te da je rok do kada bi se to trebalo da desi oktobar mjesec ove godine, javila je Fena. Ukidanjem zabrane bio bi dozvoljen uvoz automobila koji samo moraju biti tehnički ispravni, bez obzira na njihovu starost.

Konsultacije u
izradi propisa

Asocijacija za demokratske inicijative Sarajevo, podržana od USAID projekta za razvoj sektora pravosuđa (JSDP), organizira 13. i 14. aprila u Sarajevu trening o temi "Učešće organizacija civilnog društva u procesu javnih konsultacija".

Cilj treninga je, kako javlja Fena, predstaviti proces javnih konsultacija uopće, a posebno unutar Ministarstva pravde BiH i informirati predstavnike organizacija civilnog društva o Pravilima za konsultacije u izradi pravnih propisa VMBiH, koja zakonski obavezuju sva državna ministarstva da pri donošenju zakona i pravnih propisa konsultiraju pojedince i organizacije.

Genijalni izum Foćanke dr. Emine Torlak

Kodkod je odmah
uzela NASA!

S tridesetak godina tek, Emina je doktorirala i stvorila softver Kodkod koji se već koristi u NASA, IBM-u, MIT-u, Telecordi... i otklanja, prvi put u povijesti, sve greške u navigacijskom sistemu!

Okupirani smo sa svih strana sve samim "žutilom", jadom i belajem, pa rijetko pričamo o sjajnijoj strani i nas i Bosne, a napose naših ljudi u svijetu. Tako sam i ja nabasao na ime Emina Torlak, zahvaljujući Mustafi Kuštriću, koji je poznaje po "ženinoj liniji". Dohativši se, radostan da tako što postoji, adrese, odmah sam je zamolio za razgovor, kad i koliko hoće. Neće, kaže, ni sad, ni kasnije, ni malo, ni mnogo.

Najbolja u klasi

Hvala Vam na Vašem interesu za moj naučni rad, ali kao veoma privatna osoba, ne želim davati intervju... Moj je interes ekskluzivno u nauci, i ako ima interesa, rado bih posjetila Univerzitet u Sarajevu i održala predavanje o mom radu. To je sve od razgovora. Ostalo je pomogao mr. Kuštrić, iznoseći sjajne osobine i karakteristike rođene Foćanke (1980) koja je svoj dom našla u Kentakiju, SAD. S majkom dr. Edinom i sestrom Al-

MAŠTANJE I UČENJE
Maštala je Emina, priča Kuštrić, o nečemu velikom, od čega će cijeli svijet imati koristi, ali i učila, učila, istraživala...

mom, nakon što su istjerane iz rodnog grada (otac im se nikad nije vratio iz foćanske bolnice) ratni vjor provodi u Sarajevu, nakon čega ih životni putovi vode u Ameriku.

Tamo završava srednju školu s najvišim ocjenama i kao prvi student iz Kentakija odlazi na prestižni MIT (Massachusetts Institut of Tehnology) u Bostonu. Najbolja je u klasi i počinje magistarsku radnju.

- Maštala je Emina, priča Kuštrić, o nečemu velikom, od čega će cijeli svijet imati koristi, ali i učila, učila, istraživala...

Nakon obrane magisterija, istražuje dalje, brani doktorsku disertaciju pred eminentnim

profesorima, s najvišom ocjenom naravno. Već prva istraživanja iz polja navigacijskih sistema zainteresirale su svjetske korporacije, kao što su NASA, IBM, TELECORDIA. Dr. Emina drži predavanja u Europi.

Ponosna državljanka

- Rezultat njenog istraživanja je Softver zvan Kodkod, koji već koriste nabrojane kompanije, a posebnu primjenu ima u "sistemu kritičnih momenata", koji ne dozvoljava grešku i sto posto je siguran, pojašnjava Kuštrić i sve "prevodi" na bosanski: Osoba koja vodi kontrolu zračnog prometa ima mogućnost na vrijeme otkriti grešku, odnosno (mogući) sudar dva ili više aviona. Svaki avion je u prometu pet milja horizontalno i jednu vertikalno udaljen jedan od drugog, a sistem dr. Emine Torlak dozvoljava prepoznavanje i razumijevanje te udaljenosti i ne dozvoljava apsolutno nikakvu grešku! Uz prepoznavanje grešaka, izum ih



Emina Torlak: Ne priča, radi može i potpuno eliminirati.

Na kraju treba kazati kako se Emina Torlak ponosi svojim imenom i ne zaboravlja kazati da je bosanska državljanka te "ambasador Bosne i Hercegovine koji ne propušta priliku naglasiti odakle dolazi(m)".

R. KOLAR

Sesija Fondacije CURE

Građani u raljama pravosuđa

Savjetnica Helsinškog komiteta za ljudska prava Branka Inić bila je gost uvođničar na sesiji pod nazivom "Građanstvo u raljama pravosuđa".

Ona je tom prilikom, pozivajući se na član 6. Evropske konvencije, istakla kako bi pravo na pravično suđenje trebalo svrstati u red formalnih prava.

Inić je rekla da je praksa takva da sudski postupci koje vode građani traju predugo, čak, na primjer, i u slučajevima alimentacije, zbog čega najviše ispaštaju djeca.

"A to ovu državu ne zanima. Ili slučajevi o raspodjeli imovine. Zar su to komplikovani procesi?", pitala je Inić. Kada je o



U problem je učesnice sesije uvela Branka Inić

Foto: DŽ. KRUEŠTORAC

pravosuđu i građanima riječ, Inić je navela da je neophodna šira edukacija ljudi o pravima i pravu.

Jučer su postavljena i pitanja nepostojanja zakona o besplatnoj pravnoj pomoći, nemogućnosti civilnog društva da vrši monitoring sjednica Ustavnog suda BiH, ko je odgovoran za neizvršavanje presuda Evropskog suda za ljudska prava...

"Građanstvo u raljama pravosuđa" treća je u seriji sesija, koju uz podršku Evropske komisije organizuje Fondacija CURE s ciljem jednakog i fer pristupa medijima za sve društvene grupe. Prethodne dvije sesije govorile su o pravima žena i pravima invalidnih osoba. **J. F.**



INTERVJU: Adnan Harmandić, srednji bek reprezentacije BiH i RK Gorenje

Igrač koji je osvojio srca Velenjaca



FIFA slavi "uskrnuće YU fudbala"

Balkanska tradicija živa i zdrava